

Rat sa Rusijom okončan.

Naredjena opšta demobilizacija ruske vojske. Sadržaj ugovora o miru sa Ukrajinom.

RATNI IZVJESTAJI

Izveštaj austro-ugarskog glavnog stožera

Kb. Beč, 10. februara.
Na visoravni Sedam opština i istočno od Brente živahna topnička djelatnost.

Načelnik glavnog stožera.

Izveštaj njemačkog vojnog vodjstva

Kb. Berlin, 10. februara.

Zapadno bojište:
Front prijestolonasljednika Rupprechta bavarskog:

Na pojedinim mjestima fronta topnička borba. U izvidničkim borbama u blizini belgijske i francuske obala, sjeveroistočno od Ypra, kao i između Cambraia i St. Quentin, zarobljen je izvjestan broj Engleza.

Front njemačkog prijestolonasljednika i vojvode Albrechta Württembergskog:

U oblasti Maase, obostrano Mosela i pojeđnim odsjecima sjeveroistočno i istočno Nancya živahna neprijateljska djelatnost. Francuska izvidnička odjeljenja su privremeno prodrli u mizinu Sella u naše linije kod Allendorfa. U predjelu zapadno od Blamonta neprijateljska su odjeljenja odbijena pred našim preprekama.

S drugih bojišta nema nikakvih novosti.

Prvi zapovjednik glavnog stana pl. Ludendorff.

Ratno stanje okončano i sa Rusijom

Kb. Brest-Litovsk, 10. februara.

Njemačko - austro - ugarsko-ruska komisija, koja je određena za raspravljavanje političkih pitanja, juče je i danas održala sjednicu. U današnjoj sjednici je predsjednik ruskog izaslanstva saopštio po naredbi svoje vlade, da Rusija, odustajući od formalnog ugovora o miru, izjavljuje, da je ratno stanje okončano i naredjuje da se odmah i potpuno izvrši demobilizacija ruskih boračkih snaga. Što se tiče pregovora, koji su prema ovako stvorenoj situaciji potrebni između saveznih sila i Rusije radi vršenja međusobnih diplomatskih, konzularnih, pravnih i privrednih odnosa, Trocki je predložio put neposrednog saobraćaja između dotičnih vlada i komisija saveznih sila, koje se u Petrogradu nalaze.

Mir sa Ukrajinom

Potankosti o istorijskoj sjednici, na kojoj je potpisan mir.

Kb. Brest-Litovsk, 10. februara.

Kad je nastupila posljednja stanika u pregovorima, moglo se javiti, da su nađeni osnovni za zaključak mira između četvornog saveza i ukrajinskom narodnom republikom. Od povratka delegata u Brest-Litovsk radilo se dalje na ovim osnovima. Zahvaljujući energičnom i neumornom radu svih komisija i zahvaljujući pomirljivosti i međusobnoj predusretljivosti svih stranaka, uspio je rad tako daleko, da se moglo pristupiti zaključnoj redakciji ugovora i potpisivanju mira. Ustanovljenje pet ugovornih tekstova imalo je tehničkih poteškoća, zbog čega je svečana zaključna sjednica sa potpisivanjem mogla biti tek rano jutru 9. februara. Kao predsjednik otvorio je sjednicu pl. Kuhlmann upravo prije 2 sata jutru ovim riječima:

Govor pl. Kuhlmann.

Moja gospodo! Niko od vas ne će se moći oglušiti o istorijsko značenje ovoga časa, kada su se predstavnici četiriju saveznih vlasti sastali sa predstavnicima ukrajinske narodne republike, da u ovoj dvorani potpišu prvi mir, do koga je došlo u svjetskom ratu. Da se ovaj mir potpisuje sa jednom mladom državom, koja je proizišla iz vihara velikog rata, čini naročito zadovoljstvo za predstavničke savezničkih delegacija. Neka to bude prvi u redu blagoslovenih mirovnih zaključaka, blagosloven kako za savezne vlasti, tako i za ukrajinsku narodnu republiku, za čiju budućnost imamo svi najbolje želje.

Govor pročelnika ukrajinske delegacije.

Pročelnik ukrajinske delegacije, Sevrjuk, odgovorio je na to: Sa radošću ustanovljujemo, da od današnjeg dana počinje mir među četvornim savezom i Ukrajinom. Mi smo doduše ovamo putovali sa nadom, da ćemo moći dovesti do opšteg mira, i učiniti kraj bratoubilačkom ratu. Ali politički je položaj takav, da se ovdje nijesu našle sve vlasti za potpis opšteg mira. Puni najtoplije ljubavi prema našem narodu i u saznanju, da je ovaj dugi rat iscrpio kulturnu i nacionalnu snagu našega naroda, moramo sada upotrebiti svu snagu na to, da učinimo sve, kako bi došlo do novog doba preporodaja. U čvrstom uvjerenju, da ovaj mir sklapamo u interesu naših širih demokratskih masa, i da će ovaj mir pridonijeti svoje, da dodje do opšteg završetka velikog rata, rado ustanovljujemo ovdje, da je dugi i žilav rad izvršen ovdje u Brest-Litovsku, krunisan uspjehom, i da smo postigli demokratski mir, častan za obadvije strane. Od današnjeg dana nastupa ukrajinska narodna republika, uskrsla na novi život, svoje mjesto u krugu država kao samostalna država. Ona obustavlja na svom frontu rat, i staraće se da sve u njoj skrivene snage uskrsla i procvjetaju u novom životu.

Potpisivanje mira.

Kühlmann je na to pozvao opunomoćene predstavnike, da pristupe potpisivanju ugovora o miru. U 1 sat 159 minuta potpisao je ministar spoljnih poslova, grof Czernik, kao prvi mirovni ugovor između Austro-Ugarske i Ukrajine. U 2 sata i 20 minuta bili su svi potpis gotovi.

Tekst ugovora o miru

Mirovni ugovor počinje ovim riječima kao uvodom: Pošto se ukrajinski narod u toku sadašnjeg svjetskog rata izjavio nezavisnim, te izrazio želju, da između ukrajinske narodne republike i vlastima, koje se nalaze u ratu sa Rusijom, dodje do mira, imaju vlade Njemačke, Austro-Ugarske, Bugarske i Turske da sklope mirovni ugovor sa vladom ukrajinske narodne republike. Time hoće da učine prvi korak za trajan svjetski mir, častan za sve stranke, koji ne samo da ima učiniti kraj strahotama rata, nego i da učini sve, da se uspostave prijateljski odnosi među narodima na političkom, pravnom, ekonomskom i duševnom polju. Poslije nabrojanih opunomoćenika pojedinih država dolaze ove odredbe:

Član I.

Njemačka, Austro-Ugarska, Bugarska i Turska s jedne, a ukrajinsko narodno predstavništvo s druge strane, izjavljuju, da je ratno stanje između njih prestalo. Ugovaračke stranke su odlučile, da od sada međusobno žive u miru i prijateljstvu.

Član II.

1. Između Austro-Ugarske s jedne i Ukrajinske narodne republike s druge strane, ukoliko se ove dvije države međusobno granice, postojeće one granice, koje su postojale prije početka sadašnjeg rata između Austro-Ugarske monarhije i Rusije. 2. Dalje sjeverno počinje granica Ukrajinske narodne republike kod Tarnopola u liniji Bilgoraj—Szocebrzeszynkrasnows — Pugasow — Redin — Meschi — Petschie — Sarnaki — Melnik — Wysoko — Litowsk — Kameniecz — Litowsk — Pruchany — Wygonowskojsca. Pojednostoj granica po etnografskim okolnostima i obzirom na želje stanovništva ustanovljuje mješovita komisija. 3. Za slučaj, da Ukrajinska narodna republika bude imala zajedničku granicu sa kojom od sila četvornog saveza, učiniće se o tome naročiti sporazum.

Član III.

Evakuacija posljednjutog zemljišta počće nezostavno poslije ratifikacije ovog mirovnog ugovora.

Način izvođenja evakuacije i pređavanje evakulanskih oblasti određiće opunomoćenici zainteresovanih strana.

Član IV.

Diplomatski i konzularni odnosi između ugovaračkim strankama počće odmah poslije ratifikacije mirovnog ugovora.

Član V.

Ugovaračke stranke odriču se međusobno neknađe ratnih troškova, t. j. državnih troškova za vođenje rata, kao i naknade svojih ratnih šteta, t. j. onih, koje su nastale njima i njihovim pripadnicima u ratnim područjima uslijed vojnih mjera, računajući tu i rekvizicije, izvršene na neprijateljskom zemljištu.

Član VI.

Obostrani ratni zarobljenici biće pušteni u svoju domovinu, ukoliko ne žele pristanak države, gdje se nalaze, da tu i ostanu, ili da odu u koju drugu zemlju. Regulisanje tih pitanja izvršava se u čl. VIII. predviđenim pojedinačnim ugovorima.

Član VII.

U ovom veoma dugom i opširnom članku određuju se budućni ekonomski odnosi među silama četvornog saveza i Ukrajinske narodne republike na ovom osnovu: Za vrijeme do 31. jula o. g. obavezuju se ugovaračke stranke, da međusobno lijeruju višak svojih privrednih i industrijskih proizvoda. Količine robe i njihove cijene ustanovljuje komisija, koja se ima sastati odmah poslije potpisa mira. Izmjena će se vršiti djelimično na državnim glavnim mjestima, ili koja će kontrolisati država, a djelimično slobodnim prometom. Do zaključka konačnog trgovinskog ugovora, a svakako do isteka 6 mjeseci po zaključku opšteg mira, regulisaće se međusobna izmjena robe privremenim sporazumom, koji će počev od 30. VI. 1919. imati šestomjesečni otkazni rok. Ovaj provizorni stavljia na snagu međusobne ugovorne carine između Austro-Ugarske i Ukrajinom, koji su do početka rata vrijedili u prometu među Monarhijom i Rusijom. Zatim su tu sve važnije odredbe našeg ranijeg trgovinskog ugovora sa Rusijom, ukoliko se mogu primijeniti na Ukrajinu. Osim toga je osiguran slobodan provoz za Aziju, a naročito za Perziju, što je prije bio za Rusiju zatvoren. Najposlije je ugovoreno: „U privrednom saobraćaju među ugovorenim carinskim oblastima obadvije države Austro-Ugarske Monarhije s jedne i Ukrajine s druge strane neće Ukrajina pretendovati na koristi, koje Austro-Ugarska daje Njemačkoj ili kojoj drugoj zemlji, s kojom je u carinskom savezu, i koja se sa Austro-Ugarskom neposredno, ili kojom drugom zemljom, što je sa Njemačkom u carevinskom savezu, posredno graniči“. Ista odredba vrijedi recipročno za Ukrajinu.

Član VIII.

Ustanovljenje javnih i privatnih pravnih odnosa, izmjena ratnih zarobljenika i interniranih građanskih lica, pitanje o amnestiji, kao i pitanje o postupku za trgovačke brodove, što su dospjeli u neprijateljsku vlast, regulisaće se u zasebnim ugovorima sa Ukrajinskom narodnom republikom, koji će činiti glavni dio sadašnjeg mirovnog ugovora, te će, ukoliko se može, stupiti u isto vrijeme na snagu sa ovim.

Član IX.

U ovom mirovnom ugovoru izvršeni sporazumi čine nedjeljivu cjelinu. Po jednom čl. koji tumači tekstove mirovnog ugovora, sastavljenog u njemačkom, mađarskom, bugarskom, turskom i ukrajinskom jeziku, predviđa se u izvršnoj odredbi, da se mirovni ugovor ima ratifikovati i što prije u Beču zamijeniti. Mirovni ugovor stupa ratifikacijom na snagu.

Austro-Ugarska

Nova visoka imenovanja u vojsci.
Kb. Beč, 10. februara.

Njegovo Veličanstvo je blagoizvoljelo nahmenovati baruna Rohra za maršala, a šefa glavnog stožera Arza za general-pukovnika.

Raspadanje grčke vojske

Kb. Bern, 10. februara.

„Agence Hellenique“ javlja: Raspoloženje u grčkoj vojsci nije ni ukoliko povoljno za vladu i Venizelosu. Časnici su podijeljeni u dva neprijateljska logora. U prkos svih preduzetih mjera raspadanje vojske i dalje traje. Osam desetina grčkih vojnika vjerna je kralju. Uvršćivanje više od 200 francuskih časnika u grčku vojsku izazvalo je među četama veliko neraspoloženje. Vrijeme je naročito jako u garnizonima Larisse i Lamie.

Kraj rata po svaku cijenu

Izjava francuskog ministra predsjednika Clemenceau-a.

(Naročiti brzojav „Beogradskih Novina“)

Berlin, 10. februara.

Sa švajcarske granice se javljaju „Secolo“ javlja iz Parisa, da se već nagoviještavaju proljetne borbe. Clemenceau je saopštio parlamentu, da je Francuska riješena, da u ovoj godini okonča rat po svaku cijenu.

Diplomate sporazumnih sila prognani iz Rusije?

(Naročiti brzojav „Beogradskih Novina“)

Haag, 10. februara.

Vašingtonsko ministarstvo spoljnih poslova, posredovanjem američkog poslanstva u Stockholmu, dobilo je potvrdu vijesti, da je boljševička vlada zabranila poslanicima sporazumnih sila dalje bavljenje u Petrogradu. Uslijed toga su poslanici sporazumnih sila napustili Petrograd i sad se nalaze na putu prema švedskoj granici.

Ruski ultimatum Engleskoj

Haag, 10. februara.

Iz Petrograda se javlja: Narodni komesari su uputili engleskom poslanstvu ultimatum, kojim zahtijevaju, da Engleska prizna Litsinova za zastupnika ruske vlade u Londonu. Komesari su stavili na znanje da će, ako engleska vlada odbije zahtjev, preduzeti oštre mjere protiv engleskih poslanika.

Revolucija u Finskoj

Uspjesi građanskih četa.

Kb. Kopenhagen, 10. februara.

„Berlinske Tidende“ javlja iz Stockholma: Finsko poslanstvo javlja, da su građanske čete poslije jedanaestodnevnih borbi osvojile važno mjesto Kuapto u unutrašnjosti Finske, i da su tom prilikom zarobile 500 ljudi crvene garde. Nystad se do juče nalazio u rukama građanskih četa. Ali su one morale poslije napustiti grad i povući se. Juče je u Torneju osudjeno i strijeljano prekim sudom 11 Rusa, među ovima ruski boljševički komesar Smirnov, koji je organizovao i učestvovao u ustanku u Finskoj.

Poljski i ukrajinski vojnici protiv crvene garde.

Kb. Kopenhagen, 10. februara.

Dopisnik „Berlinske Tidende“, koji je iz Kopenhaga izaslan u Finsku, brzojavlja sa švedskog pomoćnog broda još ovo: Poljski i ukrajinski vojnici prikupili su se u tvrdjavi u Sveaborgu, jer ne će da potpomažu crvenu gardu. Ali su ih posljednje nedjelje napali ruski mornari. Veliki je broj poubijan ili ranjen. Sveaborg se ponovo nalazi u rukama mornara.

Podmornički rat

Potopljen švedski brod.

Kb. Stockholm, 10. februara.

Švedski parni brod „Fiedland“, iz Goetebourga (4180 tona), potopljen je 20 milja od Terstchellinga. Od posade je 29 ljudi prispijelo u Rotterdam, 6 ljudi je nestalo.

Nova komedija

Zbor „Svetog saveza u Parisu“.

Kb. Ženeva, 10. februara.

Iz Parisa službeno javljaju: U Sorbonni je, u prisustvu predsjednika republike Poincaré-a, a pod predsjedništvom predsjednika parlamenta Deschanela održata velika narodna manifestacija velikog francuskog udruženja „Sveti savez“. Zboru su prisustvovali svi članovi diplomatskog kora, članovi akademije nauka, predstavnici najviših državnih vlasti kao i predstavnik anektovane Elzas-Lothringije. U govoru, kojim je otvorio zbor, obnovio je predsjednik Deschanel francusku zakletvu, koja glasi: Zaklinjemo se svojim poginulim junacima sa Marne, Yseri i Verduna, da ne ćemo položiti oružje, dokle god povredjeno pravo ne će biti osvećeno i dok ne bude kažnjen atentat, koji je već četrdeset godina na ovamo pripreman protiv svjetske slobode, dokle god Belgija i Rumunjska ne budu oslobođene, a krizevi otići Francuskoj 1870. i 1914. godine vraćeni. Najzad je ministar mornarice George Leygues u vladino ime dao izjavu, koja je izazvala jednodušno odobravanje. Leygues je rekao: Iskupili smo se ovo, da obnovimo zavjet narodne sloge i da pred cijelim svijetom potvrdimo svoju neumoljivu volju za pobjedom. Jedino jamstvo za skorbi mir jeste sloga sporazumnih naroda, i to za istinski mir, ne za prividan mir, koji bi u stvari bio samo primirje. Prije no što će priznati, da je pobjeđena, Njemačka će još pokušati neki očajnički čin. Uzdignimo se dakle do ogromnih zadatka, koje nam nalaze dobro cijeloga svijeta, a ako bi bilo potrebno potkrijepti našu hrabrost, valja se samo sjetiti naših pobjeda na Marini, Yseri i Elzasu; Lotringiji, Flandriji, Champagnu, na Sommi i na Verdunu.

Najnovije brz. vijesti

Smrt sultana Abdul Hamida

Kb. Carigrad, 10. februara.

Bivši sultan Abdul Hamid umro je danas od zapaljenja pluća. Pogreb će biti sutra sa svima počastima, koje pripadaju vladavcu.

Grad i okolica

Parastos pok. mitropolitu Mraoviću.

Sutra, na Tri Jerarha, održaće se u Vaznesenskoj crkvi zaupokojena liturgija i parastos pok. mitropolitu Teodosiju Mraoviću i ostalim pomrlnim članovima pjevačke družine „Stankovići“. Početak liturgije u 9 sati prije podne.



Ljepotu za pogled

Pružena ona ljupka dama, koja svoj talent nježuje sa Diana cremom i sa Diana Alabaster puderom. Cijena doze za probu ili lončica Krune 2.—, velike doze ili lončica K. 4.—. Posuda se može dobiti.

OLAVNO PRODAVALISTE:

„DIANA“ Handels A. G., Budapest V.

CIJENE OGLASIMA:

Osmina jednog milimetarskog retka (42 mm široko) staje . . . 10 helera
Pripisano: Petina jednog milimetar. retka (70 mm široko) staje . . . 40 helera
Bilješka: Petina jednog štamparskog retka (70 mm široko) staje . . . Kruna 4
Mail oglasnik: Jednostavna riječ 7 helera, sa masnim slovima 14 helera.

MALI OGLASI:
PRIMAJU SE: KNEZ MIHAJLOVA UL. 38

CIJENE OGLASIMA:

Osmina jednog milimetarskog retka (42 mm široko) staje . . . 10 helera
Pripisano: Petina jednog milimetar. retka (70 mm široko) staje . . . 40 helera
Bilješka: Petina jednog štamparskog retka (70 mm široko) staje . . . Kruna 4
Mail oglasnik: Jednostavna riječ 7 helera, sa masnim slovima 14 helera.



ZUBNI-ATELJE
J. SIDVERCA
DIPLOMIрани DENTIST
Beograd, Kralj Milana ul. 57.

Kupovine i prodaje.
Klavir Filgel
prodaje se u Studeničkoj ulici br. 5. 35094

Ka prodaju
jedan par novog neobučenog muškog odjela i jedan sako kaput i prskut. Može se vidjeti od 1-3 po podne. Kosovska ul. br. 29. 35062-2

Tražim da kupim
jednu pisu za mašinu sa četkama slovima. Ne mora biti nova, mala grijska na mašini ne smeta. Ponude upravi pod „Mašina 762.“ g

Ženske cipele
pikile i duboke, odlične predrađeni materijal, br. 34-38. Povojne cijene. Na par i na više. Radnja Kralja Aleksandra ulica 10. 35019-2

Namještenja.
Učiteljica
francuskog jezika traži se za unutrašnjost, pod veoma povoljnim uslovima. Bliza obavještenja daje g-ca Budjevac, Knez Mihajlova 46, I. sprat. 35091

Segra iz unutrašnjosti
potrebne delikatesne radnja D. O. Pavlovića, Beograd, Knjaz Mihaila broj 3. Dobiva stan, hranu, a prema sposobnosti i platu. 35075-3

Kuharicu
ili mlađu ženu, bez djece, za kuhinjski posao, potrebuje D. O. Pavlović, Knjaz Mihaila broj 3. Dobiva platu, stan i hranu. 35076-3

Razno.
Pianino
traži u najam jedan česnik. Ponude pod „Pianino 752“ upravi lista. 35064

Ana H. Novaković,
časovničar,
Beograd, Balkanska ul. 32,
dobila je svu forinutru i alata za časovničare, poručbne prima i izvršuje odmah. 35020-5

Advokatska kancelarija
Živojina M. Simića
advokata
nalazi se u Pivarskoj, predje cetinjskog ulice br. 23. Prima od 8-9 prije i od 2-3 sata poslije podne. 34667-5

KORESPONDENCIJA.

Predsjedniku opštine grada Skoplja. Molim vas, budite dobri, a za to ću vam biti veoma blagodarna, pronađite u Skoplju odmah moju rođenu sestru Maricu, rođenu Dimirijević, a udatu Pročić — Stefanović, koja je dosegla u Skoplje iz Beograda, prilikom poslednje bežanije, i saopštite joj, da je ja pozivam, da se odmah vrati na stalno življenje u Beograd, gdje je odveć potrebna radi čuvanja naše familije, a za izdržanje ovamo biće koliko treba pomognuta pa i od onog dobrotvora, koji je davao pomoć tolikih godina. Molim, recite joj, da mi što prije javi kad se kreće za Beograd, da bi je familija mogla sačekati. Molim, uručite joj i ovaj moj oglas. Moja je adresa: Sofija Jokić, iz Beograda, sad živeća na željezničkoj stanici u Rašju. A 2900

Jovanu Premoviću, Geneva, Molim, da me izvestite preko Beogradskih Novina za mog sina Vasilija Avramovića, vojnika iz Lopže, kroz Sjenicu, da li je živ i zdrav, jer do danas mi se nije javio. Mnogo unaprijed blagodarim Petko Avramović, tešak, iz Lopže, Sjenica. A 2901-8

Jovanu Premoviću, Geneva, Casse M. B. 3545. Moj brat Antonije Vasilija Katanica, trgovca iz Leskovca, podnarednik — sprovodnik niških zaborobitnica — nije se ni jednom do danas javio. Najbolje vas umoljavam izvestite se je li u životu moj brat i molim za njegovu tačnu adresu radi korespondencije sa njim. Blagodarim vam na vašem prijateljskom angažmanu. — S poštovanjem Žilka Sazdićka, Albanska ulica br. 9, Mitrovića a/K. A 2903

Jovanu Premoviću i Udrženju bankarskih činovnika, Geneva. — Molim Premoviću i Udrženje bankarskih činovnika, da izvoli dostaviti Mihajlu Miniću — Pop Miniću, narodnom poslaniku i predsjedniku Kruševačke okružne banke, koji se tamo nalazi, da mu se obraćam, — kao činovnik iste banke — sa najlepšom molbom za što skoriju pomoć, jer se nalazim u oskudici i bez ikakvih sredstava. — U nadi, da ćete se odazvati mojoj molbi unaprijed vam blagodarim na zauzimanju i ostajem s poštovanjem Ružica Vukotičevića, činov. Krušev. okružne banke, Beograd. 35085

Jovanu Premoviću, Geneva. Ljeto vas molim, poradite gdje treba, da mi se pošalje novčana pomoć, jer se nalazim u velikoj oskudici, a opterećena sam sa dvoje male djece. Bila sam činovnik u željezničkoj direkciji, a nisam od aprila meseca 1917. ni od kuda nikakvu pomoć primila. Unaprijed blagodarim Olga udova M. Jovanovića, biv. šefa stanice iz M. Borka, sa stanom Kosmajka ulica 13, Beograd. 35083

Jovanu Premoviću, Geneva. Kao sivoslagatelj pripravnik sa godišnjom platom od 480 dinara, bio sam u drž. štampariji, i već je 3. godina, kako ni pare ne primim. Novac mi je neophodno potreban. Zato vas lijepo molim zauzimate se gdje treba, da novac što prije i urednije dobijem. Poštujte vas i unaprijed blagodarim: Dragoljub Marković, sivoslagatelj, pripravnik, Kr. Aleksandra ulica br. 38, Beograd. 35084-8

Jovanu Premoviću, Geneva. Molim, da me izvestite za mog muža Jovana Vidosavljevića, vojnika moravske divizije, sakladžija, da li je živ ili ne. On se ne javlja već 2 godine. Unaprijed blagodarim Hristina Vidosavljević, Ub. A 2902

Jovanu Premoviću, Geneva, za Jovu Mijatovića, Casse M. B. 8064, Geneva. Poštovani gospodine Jovo! Molim, izvestite se, šta je sa mojim sinovima i Radovanom. Već pet meseci nemam od njih izveštaja, pa sam u velikoj brzini i tuzi. Vaše sam karte primila, u kojima mi javljate, da ste moje karte primili i njima poslali. Molim, naslanite da saznate adresu mog sina Zarka. Sliku koju poslala sam septembra, ne znam da li su primili, i neka mi pošalju njine slike, koje su mi obećali. Za mene neka ne brinu, samo sebe neka sva trojica čuvaju. Ostajem u nadi, da ćete ih izvestiti. Pozdravljam moje i vas, i vaši su dobro. Anka Pavlović, Kosanićeva venac, br. 2, Beograd. 35095

Jovanu Premoviću, Geneva, za Kostu Aleksića, Hotel Terminus, Geneva. Do prije pet mjeseci javljao se moj muž Jovan Jarmović redovno preko vas, a od septembra prošle godine više se nije javio, te se jako brinem za njega. Zato vas molim budite dobri pa me izvestite šta je sa njim, da li je živ i zdrav. Ujedno vas molim, da mi pošaljete broj njegove pošte. Njega izvestite, da smo mi svi zdravi i da za nas ne brine, kao i da sam novac pristat preko radničke komore primila. Unaprijed vam blagodarim preko radničke komore prištim molim da me što skorije izvestite na adresu: Emilija Jarmović, Jevremova ulica 54, Beograd. 35071-8

Predsjedniku opštine tečićke. — Rekovac. Molim, izvestite moga oca Ranka i majku Dragu, da sam živ i zdrav i brinem o njima. Zašto mi se ne javljaju, za sve vrijeme od tri mjeseca nemam od njih nikakvog izveštaja. Molim čitaoca ovoga lista, a naročito susjedne čitaoca, da opomenu moje roditelje, da mi se jave na adresu: Milan Tomić, bivši gimnazista, Szamoszeg, Szatmar megye. A 2893

Jovanu Premoviću, Geneva. Molim izvestite me o mome mužu Živadinu Oloroviću, bivšem strazaru brdske artiljerijske kasarne, Aleksinac. Dvije godine kako se ne javlja. Molim za brzi izveštaj, Milica Olorović, Smederevo. 35052

Jovanu Premoviću, Geneva. Molim vas isvestite me, gdje se nalazi moj muž Pera Stefanović, činovnik željezničke direkcije. Javite mi da sam sa dječom došla iz Niša 17. ov. mj. Zdrava sam. Neka se od mali javi i pošalje novca. Izveštaj na adresu: Kosara Stefanovića, Vel. Miloša 85, Beograd. 35060

Jovanu Premoviću, Geneva. Molim da izvestite mog muža Dragišu Kostića, narednika drinske divizije, da sam u velikoj brzini za njega, pošto mi se u dvije godine samo dva puta javio. Ja sam sa Danom zdrava, ali u oskudici, jer ni od koje strane nemam pomoći. Neka mi se Dragiša javi i ako je moguće novac pošalje ili neka poradi, da mi se pomoć pošalje. Mnogo ga pozdravljamo ja i Dana, Lenka D. Kostić, Dušanova ulica 48, Beograd. 35054

Jovanu Premoviću, Geneva. Moj sin Radovan Jovanović izbjegao je prilikom evakuacije srpske vojske u Inostranstvo. Molim za izveštaj, da li je živ i gdje se nalazi? On je rodom iz Vranje a u Beogradu živi. Po zanatu obučar. Vama a i svakoga drugog tko bi me izveštio, vešto blagodarim Guga Jovanović, Kralj Aleksandra ulica 46, Beograd. 35048

Oglasajte u „Beogradskim Novinama“

BESPLATNO možete gledati BIOSKOP od 4. do 11. ovog meseca. Svaki dan nov program u Izlogu niraberske radnje SOLOMONA L. MOSICA Beograd — Terazije 9. 34974

GALERIJSKE ANSINTSKARTE Primili smo glavno zastupništvo za Srbiju za prodaju Anselmih karata od „Moderer Kunstverlag, Berlin“. Karte su od prvih njemačkih, francuskih i drugih umjetnika, kao i slike Pariskog Salona i Luvara u Parizu. Izrada je najbolja u više boja. Muzike (10 karata) šalju se po prijemu od K 340. Angrocena zvanio jeftinija. KNJIZARA „NAPREDAK“ BEOGRAD, KNJAZ MIHAJLOVA 9.

STOVARISHE SOBNOG NAMJEŠTAJA WILLI O. FELDMANN Kneginje Ljubice br. 1. 35007 S poštovanjem

TRGOVAČKI KURS. Na osnovi pravila, koja su odobrena od nadležne c. i kr. vojne vlasti, otvaram ponova školu za nastavu trgov. knjigovodstva, korespondencija, računa, i ostale potrebne trg. enciklopedije kao i stenografije. Na kurs se može upisati svako lice (muški od 17, a ženske od 15 godina), koje raspolaze dovoljnim znanjem jezika i osnovima računanja (4 vida rač.). Predavanja na kursu počinju 1. marta o. g. traju 5 meseci, a upis vrši i daje sva potrebna obavještenja. Beograd, februara 1918. 34983 Upravnik kursa Josif Predić, Bitoljska ul. 29.

„DANIA“ Zakonom zaštićeno. Najnovija svoje vrste kao nadomjestak za bjelilo rublja (štirak za rublje) ispitano po c. kr. gosp. kem. stanici za teplivanje i općoj austrijskoj apotekarskoj udruzi u Beču: za rublje garantovano potpuno neškodljivo. Svojevita „Dania“ ima u sebi sva svojstva originalnog škroba, zatim pšeninog, rižinog, jednako dobro upotrebljavati u industrijske svrhe kao i u svrhe kućne. Sa „Dania“ prano rublje, štovi i lina predmeti ne podnose, prigovora „Dania“ je potpuno neškodljivo. Ne smije manjkati u nijednom kućanstvu i u bolnicama, samostalnim, pranicama, industrijama i t. d. Može se posvuda dobiti u originalnim kutijama uz točnu uputu za upotrebu. U pojedina se mjesta uvodi za trgovce samoprodaja da se tako isključuju preprodaja. Uplatiti kod Centrale „DANIA“: Wien II, Praterstrasse 50. Telefon 40273. Velikoprodavci neka traže specijalni ofert u visokobit i uspešnom reklamatu.

DRVA koje trebaju neka se obrate podpisatome. Isporuka brza. Podvoz moj. 85090 Predaja kući. Upis za ista u mojoj radnji Makenzijeva 77. Milivoje T. Jovanović drvarski trgovac, Makenzijeva ul. br. 77., kod Čubure.

Trgovina Parfimerija i niraberske robe Božidara S. Veselinovića Beograd — Terazije 19. Preporučuje u većem izboru: raznovrsne pudere, kremove i pomade za lice, ruke i kosu — briljantne razne, orlov zeljni, kolonjsku i klinjsku vodu, kaloderme u tubama, šampon za kosu, šminke u prašku i točne raznih mirisa — kremova, praška i paste za zube — za manikiranje turpije — lok, paste, krede, vode i prašak i t. d. Razna roba sa solidnim dnevnim cijenama.

OPRAVAK CARAPA. Iz 1 1/2 para nošenih ženskih čarapa pravim jedan par savršeno dobrih čarapa, iz 2 para poderanih ali još ne razlučenih muških ili ženskih čarapa i par dobrih čarapa, koje se mogu nositi i uz polucipele. Preuzimam samo oprane, poglačane ali ne razlučene čarape. Plaća za jedan par K 1-60. FRIDA FISCHER, Pancsova, Jenőherceg ulica 125. Radove molim predbežno predati u Zemunu kod Vese Popovića, Taumengasse 9. 34921

Preporučujem moj veliki izbor Fotografiskih potrepština i aparata. Agfe, Hauff, Schliessner i druge vrste ploče, zatim papire za pakovanje i karte, svih vrsti, gaslicht i bromsilberpapire. Kemikalije i svu za slikanje potrebnu robu. Michael Vogel, Zemun, Glavna ul. 38.

Firmopisac Frank Brod a/s. Skice po želji na uvid Najbrže izvršenje pismenih poručbina 719

Gradjanski sud c. i kr. okružnog zapovjedništva u Beogradu. Nr. 3979/7/1917. Oblava. Vjerovnici zaostavštine Andre Djordjevića i njegove žene Katarine, iz Beograda, Teodosijeva ulica 9., imaju svoje tražbine do 23. ožujka 1918. ovome sudu prijavili ili toga dana prije podne u 9 sati pred ovaj sud doći, jer će se inače zaostavština bez obzira na njihova potraživanja raspraviti. Beograd, 1. veljače 1918. Gradjanski sud c. i kr. okružnog zapovjedništva u Beogradu. 1037

Izveštavam rođake i prijatelje, da ću davati trogodišnji parastos mome milom sinu Jovanu Milenkoviću regruta i poziva. Pomen će biti na njegovom grobu parcela 45, 13. februara 1918. Ožalošćeni: mati Zorka poč. Dragomira Milenkovića, računospitača glavne kontrole, supruga Natalija, brat Miodrag, bogoslov VIII. god., baba Katarina, ujak Dragutin Djikić, gradjevinar, snaja Vidosava i bratić Duško. Beograd, februara 1918. 35089

Naša mati Marija Mijatovića preminula je 10-tog u 10 sati prije podne u gradjanskoj bolnici, dorćolska škola. Sahrana će biti u utorak 12-tog u 2 sata po podne. Opijelo na Novom groblju. Ožalošćeni: sin Petar Mijatović, carinik, snaja Zorka, unuci: Slavko, Slavka i Miodrag. Beograd, februara 1918. 35096

Izveštavamo rođake i prijatelje, da ćemo davati godišnji parastos našem dobrom bratu Dragoljubu Ikončiću biv. zvančniku pri blagajni okruga kruševačkog, koji je umro u Heinsgrünu, u utorak na Tri Jerarha 13.-II. 1918. g. u crkvi Lazarici u Kruševcu. Kruševac, februara 1918. Ožalošćeni: sestra Ljubinka, brat Aca. A 2904

BELGRADER ORFEUM: ZIMSKO POZORISTE (PRIJE BOULEVARD) ULAZ SA STRANE ZMAJEVE ULICE. Od 1. do 15. februara :: 1918. godine :: ODABRANI SENZACIONI PROGRAM. Predstave počinju u :: več u 7 1/2 sati ::

FRED SINGER „Violina što govori“ 3 BERNHARDTA 3 akrobati na pijedestalu. SESTRE GORILOVIC — moderno — fantastičke igre. „BECKE LUTKICE“ muzičke produkcije. SESTRE SUSSMEYER. ANNAMARIJA HEGNER „NOVA ZVJEZDA KARABETA“. KARLO BAUMAN sa novim, jedinstvenim produkcijama. GERARD I GERARD komični ekscentričari i „skakači“

Najusavršenije sredstvo koje zamjenjuje gume na točkovima, jeste REKORD špirala. Može se dobiti u I. Elektro-mehaničkoj radionici Milutina S. Markovića Terazije br. 8., u dvorištu, 1073

Prvo c. kr. povi. dunavsko parobrodarsko društvo. Red plovidbe mjestnog parobroda za prevoz putnika i robe iz medju ZEMUNA I BEOGRADA. Vrijedi od 26. Siječnja 1918. do daljnjeg.

Table with 4 columns: I z, U, do podne, poslije podne. Rows for Zemun and Beograda.

Vrijeme vožnje označeno je po srednje evropskom računanju, te znači najranije vrijeme polaska. Noćno vrijeme od 600 u več u 500 u jutro označeno je potertanjem brojke časaka. Prevozne cijene između Zemuna i Beograda i obratno: Za civilne osobe: I. mjesto 80 filira, II. mjesto 60 filira. Vojničke osobe plaćaju pol cijene na blagajni biletu. Za prtljag do 25 kg. plaća se 50 filira, do 50 kg. 70 filira. Za teži prtljag od 50 kg. plaća se za svakih daljnjih 25 kg. 50 filira. Tržna roba otprema se uz naplatu pristojba propisanih za prtljag. P. n. putnici imaju se za utovarivanje, istovarivanje i čuvanje prtljaga i tržne robe sami brinuti. Trgovačka roba otprema se u mjestnom prometu Zemun-Beograd kao brzovoz uz naplatu tarifalnih brzovoznih pristojbi. Mjestnu plovidbu između Zemuna i Beograda vršiti će: ponedjeljom i srijedom, četvrtkom i subvotom. Prvo c. kr. povi. dunavsko parobrodarsko društvo, a nedjeljom, utorkom i petkom Kr. ug. dioničarsko društvo za brodarenje po rijekama i moru. Zemun, mjeseca siječnja 1918. Izvadak iz društvenog pravilnika. U ovome redu plovidbe navedena vremena označuju najraniji dolazak i odlazak parobroda. Zakašnjenje ili izostanak pojedinih vožnja ne daje nikakvih prava na odštetu prema upravi. Za željezničke i parobrodarske veze ne jamči uprava. Glavna agencija.